



ज्वजलपा वाःपौ

JWOJALAPA WEEKLY

दैनिक ल्या: १६ (पूर्णडक १६३) ने. सं. ११३८ कछलागा नवमि आइतवा: २०७४ कार्तिक २६ गते आइतवार (Nov- 12, 2017)

मू द १- पृष्ठ ६

वाम गठबन्धन व कांग्रेसया उम्मेदवारपिंपाखें थःथः त्याइगु दावी

संविधान कार्यान्वयनया निति: दिलिप महर्जन (वाम गठबन्धन)

लोकतन्त्र व समृद्धिया निति: पुकार महर्जन (नेपाली कांग्रेस)

ज्वजलपा वाःपौ

वइगु मंसीर २१ गते जुइगु निगुगु चरणया प्रदेशसभा व प्रतिनिधिसभाया निर्वाचनया नितिं यें जिल्ला निर्वाचन क्षेत्र नं. १० या क पाखें प्रदेशसभाया नितिं किपू नगरया पांगाया हे निम्ह नेवाःत धेधेबल्लाय् वानाचवंगु दु । वामगठबन्धनपाखें माओवादी केन्द्रया नेता दिलिप महर्जन व कांग्रेसपाखें पुकार महर्जन उम्मेदवार जुयादीगु दुसा वय्कःपिं निम्हेस्यां थःथःपिं हे त्याइगु दावी याना वयाचवंगु दु ।

थ्व हे भूवल्य संचारमाध्यमलिसे खँलासें माओवादी केन्द्रया नेता दिलिप महर्जन संविधानसभापाखें संविधान वये धुंकूगु अवस्थाय् कार्यान्वयनया नितिं थःगु उम्मेदवारी वियागु, सुनां संविधान दयेकेगु नितिं विशेष पहलयाना वं हे कार्यान्वयनया नितिं विशेष पहल यायेमाः । संविधानय् मगाः मचाःयात पूर्वकेगु ज्या यायेगु नितिं नं थःपिं चुनावय् वयाचवनागु खः धयादिल । १० नम्बर क्षेत्र धइगु वामपन्थीतय्गु गठ जूगु व म्हिगः वामपन्थीत विभाजन जुया गबलें गबलें कांग्रेसतय्सं त्याकेगु ज्या यानाचवंगु दु । आः जनतातय्सं कम्युनिष्टत फुक्कं छथाय् च्वनेमाल । बांलाक्क ज्या यायेमाः धइगु

जनतया अपेक्षा दु । अले व हे अपेक्षा कथं वाम गठबन्धन जूगु खः धकाः महर्जन धयादिल ।

नयाँ शक्ति धइगु वःपिं नं वाम उम्मेदवारयात बुकेगु नितिं उम्मेदवार थंम्ह धकाः मेपिन्सं नं धयाचवंगु, कांग्रेसया न्ह्यपं जुया वयाचवंगु खंय् जनता अथे मखु सचेत दु धकाः नं वय्कलं धयादिल । थःलिसे धेधेबल्लाय् वयादीम्ह कांग्रेसया उम्मेदवार पुकार महर्जन युवा खः तर आन्दोलनय् वया स्थापित व्यक्तित्व मखुगु अले थः २०३६ सालनिसं निरन्तर रुपं जनता व देय्या नितिं ज्या यानाचवनाम्ह खः धकाः जनतां थुइकाचवंगु दु । उकिं थुगुसी नं जनतां थःत साथ विइ धकाः नं दावी यानादिल ।

अथे हे नेपाली कांग्रेसपाखें १० नम्बर निर्वाचन क्षेत्रया १ पाखें प्रदेशसभाया नितिं उम्मेदवार जुयादीम्ह पुकार महर्जन देशय् लोकतन्त्र व समृद्धिया नितिं थ्व क्षेत्रया पहिचानया स्थापनाया नितिं थःम्हं उम्मेदवारी वियागु खः धयादिल । आः वामगठबन्धन धइगु केन्द्रीय स्तरया नेतृत्वया सीत सुरक्षाया नितिं जक जूगु अले कार्यकर्तायात दबावय् तःगु जक खः धयादिसं कार्यकर्तात नापं आम मतदातात उकिया नितिं तयार मनु धयादिल । प्रणय सिंह



क. दिलिप महर्जन
प्रदेशसभा सदस्य



पुकार महर्जन
उम्मेदवार
प्रदेश क

मुन्ना नेपाली कांग्रेसया बागी उम्मेदवार मखु वय्कः विपि कांग्रेसपाखें वियादीगु जुया थःपिन्त छुं हे लिचः लाइमखु धयादिल ।

न्हापा स्थानीय निर्वाचनय् कांग्रेसय् कार्यकर्ता मिलेयाये मफया नकारात्मक परिणाम वःगु खँ न्हयथसें अयूनं दक्षिणकालि नगर पालिकाय् कांग्रेस हे त्याःगु दु धयादिल । आः कांग्रेस छप्पं जूगु अवस्थाय् अफ्क अफ्क भोट वइ धयादिल । आः जनतां ज्या याइम्ह बांलाःम्हेसित हे भोट विइगु व थः छम्ह विकास निर्माणपाखें थाहां वयाम्ह, साधारण कार्यकर्ता जुया जनता नाप च्वना ज्या याना हे वयाम्ह खः धयादिल । थौया इलय् युवातय्सं न्हूम्ह स्वइ धयादिसं न्हापा मन्त्री जुयादीम्ह दिलिप महर्जन छु यात धइगु नं न्हयसः दु धयादिल । न्हयागु जूसां थः हे त्याइ धकाः कांग्रेसया उम्मेदवार महर्जनदावी यानादिल ।

“स्वाधिनता, समृद्धि र समाजवादको आधार
संघ/प्रदेशमा वामपन्थीहरूको जनपक्षीय स्थिर सरकार”

वाम गठबन्धनका
अत्याधिक बहुमतले



क. दिलिप महर्जन

प्रदेशसभा सदस्य

क्षेत्र नं.१०(क), काठमाण्डौ ।

सम्पर्क नं.: ९८४१५५१७५९

स्थायी ठेगाना : पाँगा, कीर्तिपुर नगरपालिका



क. हितमान शाक्य

प्रतिनिधिसभा सदस्य

क्षेत्र नं.१०, काठमाण्डौ

सम्पर्क नं.: ९८१३७६१०९१, ९८५११००५९०

स्थाई ठेगाना: विष्णुदेवी(बखु),

चन्द्रागिरी नगरपालिका



साम्पा उम्मेदवारहरूलाई
विजयी गराऔं ।



क. रमा आले

प्रदेशसभा सदस्य

क्षेत्र नं.१०(ख), काठमाण्डौ ।

सम्पर्क नं.: ९८५११३२८०८

स्थायी ठेगाना : थानकोट, चन्द्रागिरी नगरपालिका



ज्वजलपा वा:पौ

सल्लाहकार

श्रीकृष्ण महर्जन

प्रकाशक:

नजरराम महर्जन

सम्पादक

श्रीकृष्ण तण्डुकार

ले-आउट:

ज्वजलपा डेस्कटप

संवाददाता

रामभोला महर्जन, निरजमान सिंह

थाकू

प्रिन्ट स्काई, येँ

ज्याकू: निखासी त्वा: किपू नपा-३

फोन ल्या: ४३३३००७, ९८४९४०९०७७

ई-मेल : jwojalapaweekly@gmail.com

सम्पादकिय

द्वपं बिइगुसिबें थ:महं ज्या यायेगु खँय् केन्द्रीत जुइमा:

प्रतिनिधिसभा व प्रदेशसभाया निर्वाचनया निति प्रमुख राजनीतिक दलत शीर्ष नेतात चुनावी सभाय् केन्द्रीत जुजु वनाचवंगु दु । चुनावया निति याइगु सभाय् छगू पक्ष मेगु पक्षयात द्वपं बिइगु ज्याय् जक न्हापा थें केन्द्रीत जुइ मजिउ धा:सां आखिर दलया प्रमुख नेतात हाकन द्वपं बिइगुलिइ हे केन्द्रीत जुयाव:गु दु । प्रधानमन्त्री नाप नेपाली कांग्रेसया सभापति शेरबहादुर देउवां सार्वजनिक रुपं हे कम्युनिष्ट धाइपि लोकतन्त्र विरोधी ख: धका: द्वपं बियादीगु दु । उखे बाम गठबन्धनया नेता माओवादी केन्द्रया अध्यक्ष प्रचण्ड आ:या अवस्थाय् सरकार निर्वाचनयात स्यंकेत न्ह्या: वन धका: द्वपं बियादीगु दु । अथे हे वाम गठबन्धनया हे नेता एमालेया अध्यक्ष केपी शर्मा ओली नं आ:या अवस्थाय् मुलुक निर्माण धाइपि व मुलुकय् लुटेयाइपिनिगु दथुइ धेधेबल्ला ख: धका: कांग्रेसयात चाहिइका मुलुकयात लुटेयाइपि धका: द्वपं बियादीगु दु ।

उलि जक मखु आ:या अवस्थाय् वामपन्थीत त्यात धा:सा न्हिले दइमखु अले ख्वये तर्क दइमखु धका: धयादीगु दु । उकिया अर्थ थपिनिगु योजनासिबें नं मेपि बांमला: धका: धायेगुलिई हे प्रमुख दलया प्रमुख नेतातय्सं यानाह:गु दु ।

आ:या अवस्थाय् छगू पक्ष मेगु पक्षयात द्वपं बिइगुसिबें नं आ: थपि चुनावय् त्यात धा:सा हु यायेगु धइगु खँय् केन्द्रीत जुइमा: । अले आम मतदाता जनतातय्सं नं छिपि त्याना वन धा:सा हु यायेगु धका: न्ह्यस: तये सयेकेमा:गु ई व:गु दु ।

गजल शौरभ शाक्यया

गजल-५२

मन न्ह्याथाय् लँ दु

स्वांया दँल्य् कँ दु ।

मह:थजा:गु वस: ख:

मिसातय् थ्वहे पँ दु ।

कने मज्यूगु बाखं दु

मनूतय् थजा:गु खँ दु ।

मदु धायेम्वा:थ:गु देश

पला: तयेथाय् बँ दु ।

वनेम्वा: तसकं तापाक

सतिसां पा:गयेगु तँ दु ।

क्यवय् ह्वयेमां फुकं स्वां

थ्व खँय् जात जातिया हँ दु ।



नेवा: वस्ती नेवा: एफ एम अभियान न्ह्यात थक्वा:या भ्यालं फल्चाय् स्थानीयवासीया व्यापक सहभागी



ज्वजलपा वा:पौ

नेवा: वस्ती नेवा: एफ एम प्रतिभा अभियान वंगु शनिवा:निसें न्ह्या:गु दु । नेवा: एफ एम १०६ फुति ६ मेगाहर्जया संयोजनय् नेवा:तय्गु वस्ती वस्तीइ वना अनया नेवा:तय्गु प्रतिभा न्ह्यब्वयेगु नापं स्थानीय समस्यानिसें ऐतिहासिक नापं सांस्कृतिक व थीथी पक्षयात विश्वय् थ्यंकेगु आजु तया उगु कथंया अभियान न्ह्याकूगु ख: । स्वनिगलय् न्हापांखुसि मानव वस्ती जूगु लाग्ना कथं नालात:गु थक्वातं हे उगु अभियान न्ह्याकूगु ख: ।

थक्वा:या ऐतिहासिक लाग्ना भ्यालं फल्चाय् शनिवा: स्थानीयवासीया व्यापक सहभागीताय् जूगु उगु समारोहया ग्वसा:खल: हलिं नेवा: गुथि थक्वा: कचा, हलिं नेवा: गुथि थानकोट कचा, हलिं नेवा: गुथि सोनितपुर कचा व श्री आदिनारायण भजन मण्डलया मंका: ग्वसालय् जूगु ख: ।

उगु समारोहया सभानाय: हलिं नेवा: गुथि थक्वा: कचाया नाय: महेश्वर श्रेष्ठ जुयादीगु ख: ।

ज्याभ्वलय् नेवा: एफ एमया प्रबन्ध निर्देशक श्रीकृष्ण महर्जनं नेवा: वस्ती नेवा: एफ एम प्रतिभा अभियानया अवधारणा कनादीगु ख: । नेवा: पत्रकार राष्ट्रिय दबूया केन्द्रीय नाय: वय्कलं नेवा:तय्गु स: विश्व न्यंकं थ्यंकेगु, नेवा:तय्गु वस्ती वस्तीया समस्यायात न्ह्यब्वयेगु, स्थानीय नेवा:तय्गु प्रतिभा न्ह्यब्वयेगु कथं थुगु अभियान न्ह्याकागु ख: धयादिल । लय् लय् पतिकं दक्ले लिपांगु शनिवा: थीथी नेवा: वस्तीइ वना नेवा: एफ एमपाखें प्रत्येक्ष प्रशारण याना थुगु अभियान न्ह्याकेगु जुइ धयादिल । नेवा: एफ एमया newafm.com.np पाखें विश्वन्यंकं हे नेवा:तय्गु वस्तीया स: थ्वयेकेगु अभियानया रुपय् न्ह्याकागु ख: धयादिल ।



शनिवा: ऐतिहासिक नेवा: वस्ती थक्वातय् त:जिक जूगु नेवा: वस्ती नेवा: एफ एम प्रतिभा अभियानय् थक्वा:या ओमप्रकाश श्रेष्ठ, श्याम बहादुर श्रेष्ठ, शान्ति श्रेष्ठ, शिव प्रसाद श्रेष्ठ व भिम नारायण श्रेष्ठ थ:थ:गु चिनाखें न्यंकादीगु ख: ।

विनिता महर्जन व विनिता श्रेष्ठ न्ह्याकादीगु उगु ज्याभ्वलय् थक्वा:या कलाकारपिं कल्पना श्रेष्ठ, रामकेशरी गोपाली, भिमबहादुर गोपाली, रोज गोपाली, श्रेना महर्जन, लक्ष्यता श्रेष्ठ व राज गोपालीपिन्सं सांगितिक प्रस्तूति यानादीगु ख: । थुगु कथंया अभियान आ: मदिक न्ह्याका वनेगु जुइ धका: नेवा: एफ एम धा:गु दु ।



पांगा मा.वि.या न्हूगु छँया उलेज्या



ज्वजलपा वा:पौ

शहिदपथ पांगाय् च्वंगु पांगा उच्च मा.वि.या न्हूगु छँया उलेज्या वंगु कार्तिक २१ गते मंगलवार जुल ।

स्कूलया व्यवस्थापन समितिया नायो प्रा.डा.नन्दबहादुर महर्जनया नायोसुइ जुगु उलेज्या समारोहलय् मूपाहाँ दाता जर्मन नागरिक विलफ्रेड जरफन जुयादीगु खः । मेपिं पाहाँपिं विलफ्रेड जरफन संरक्षक दुगु प्राथमिक शिक्षा कार्यक्रमया नायो व जनसेवा मा.वि.व्यवस्थापन समितिया नायो माधवलाल महर्जन, वडा नं. ८या वडाध्यक्ष विनोद महर्जनलिसें पांगा उच्च मा.वि.संचालन समितिया पदाधिकारीपिं नं भायादीगु खः ।

लसकुस न्वचू विइगु भवलय् पांगा उच्च मा.वि.या प्रिन्सिपल श्याम सुन्दर महर्जन २०७२ सालया तःभुखाचं स्कूलयात बांमलाक हे स्थंकाः ब्यूगु खः । उगु इलय् छु याना स्कूल चलय् याये धकाः पीर जुयाच्चंबलय् पिईपिया पदाधिकारीपिनिगु कुतलं विलफ्रेड जरफनया ग्वाहालिं स्कूलया खेलकुद मैदानय् टिएलसी कोठा दयेका बिल । पुलांगु स्कूल भवनयात रेक्टोफिटिंग याना बिल । अनं न्हूगु बिल्डिंग दयेका बिल । गुकिया थौं उलेज्या जूवनाच्चंगु दु व नं दयेका बिल । उकिं विलफ्रेड जरफनया थुगु ग्वाहालि गुबले ल्वमंके फैमखु धयादिल ।

थःगु नुगः खँ तयेगु भवलय् विलफ्रेड जरफनं नेपाःनाप इमिगु तःधंगु आत्मिय स्वापू दु । इमिगु संस्थां किपूया सरकारी व बोर्डिंग स्कूलय् ब्वनार्चपिं ७५म्ह मस्तयत ग्वाहालि याना च्वनागु दु । भुखाय् ब्वःबलय् नेपाः वयाबलय् पांगा उच्च मा.वि.या अवस्था खनाः विलफ्रेडया म्थ्याय् थ्व स्कूलयात ग्वाहालि यायेत इनाप याःगु कथं थ्व ग्वाहालि बियागु खः । अनं जरमनया एस ए पि नांगु इन्जिनियर तयगु संस्थाया ग्वाहालि कयाहयाः न्हूगु छँ दयका बियागु खः । थौं थ्व छँ दयेकूगुलिं थःम्हं बियागु धेवा थासय् लात धकाः मन आनन्दित जूगु दु धयादिल ।

सभानाया प्रा.डा.नन्दबहादुर महर्जनं शैक्षिक गुठी अन्तर्गत संचालन जुयाच्चंगु नाफारहित थुगु स्कूलयात ग्वाहालि यानादीगुलिं मित्र राष्ट्र जरमनया ग्वाहालिमि पासापिन्त यक्व यक्व सुभाय् बियाच्वना । लिपा लिपा नं थये हे ग्वाहालि दइगु आशा कयाच्वना धयादिल ।

अनं लिपा छतजाःगु न्हूगु छँया पदा विलफ्रेड जरफनं उलादिल । उगु दिनय् स्कूलया मस्तसें सांस्कृतिक ज्याभवः नं न्ह्यब्वःगु खः ।

गणेशमानसिंहया १०२क्वःगु बुन्हिया लसताय् हिदान ज्याभवः



ज्वजलपा वा:पौ

नेपाली कांग्रेस किपू नगर समितिया ग्वसालय् किपूया तःगःवपिइ गणेशमान सिंहया १०२ क्वःगु बुदिया लसताय् हिदान ज्याभवः नापं पार्टी दुहांवःपिन्त लसकुस याःगु दु ।

नेपाली कांग्रेस किपू नगर समितिया सभापति कृष्णमान डंगोलया नायःसुइ शनिवाः जूगु समारोहसं मूपाहां युवा तथा खेलकुद मन्त्री नापं येँ जिल्लाया १० नम्बर क्षेत्रया प्रतिनिधिसभाया उम्मेदवार राजन केसीं गणेशमान सिंहया किपाय् स्वांमाः क्वखायेका उलेज्या यानादीगु खः ।

उगु ज्याभवलय् नेपाली कांग्रेस येँ जिल्ला समितिया सचिव राजकुमार नकर्मि, क्षेत्र नं. १० या सभापति नापं प्रदेशसभा क या उम्मेदवार पुकार महर्जन, तरुण दल किपूया सभापति इच्छा महर्जन, लोकतान्त्रिक नेवाः संघया राममान सिंह लगायतयापिं पाहां जुयादीगु खः । उगु ज्याभवलय् दक्षिणकाली नगरपालिका, किपू नगरपालिका वडा नं.६ तौदह, चारघरेयापिं याना मुक्कं ३४ म्ह नेपाली कांग्रेसय् दुहां वंगु खः ।

वय्कःपिन्त नेपाली कांग्रेसया येँ जिल्ला सचिव राजकुमार नकर्मि सिन्हः तिका, मूपाहां युवा तथा खेलकुद मन्त्री नापं १० नम्बर क्षेत्रपाखें प्रतिनिधिसभाया नितिं उम्मेदवार जुयादीम्ह राजन केसीं स्वांमाः क्वखायेका लसकुस यानादीगु खः । ज्याभवलय् मूपाहां राजन केसीं समृद्धि व विकासया नितिं नेपाली कांग्रेसयात त्याकेत इनाप यानादिल ।

युवा पत्रकार श्रीकृष्ण महर्जन

INDIGENOUS Tv सं



नेपालभाषाया ज्याभवः

नेवाः सरोकार

सोमवाः बहनी ६:३०, मंगलवाः सुथय् ५:३० व
न्हिनय् १२ ता इलय्

खस नेपाली भाषाको
कार्यक्रम

जन सवाल

विहिवार बेलुकी ९ बजे, आइतवार राती
२:३० र मंगलवार विहान ८ बजे



मिसा दबूया बुन्हिया भवलय् मिसा पत्रकार नृपेन्द्रलालया दबूयात हे सिरपा लःल्हात एनजिओप्लास यात



ज्वजलपा: वा:पौ

नेवा: देय् दबूया कचा: कथं दछि न्ह्य: थापना जूगु नेवा: मिसा दबूया न्हापांगु बुन्हि ने.सं. ११३८ कछलागा दुतिया/तुतिया सोमवार तःजिक हंगु दु ।

रक्षामन्त्री भिमसेनदास प्रधान मूपाहाँ कथं भायादीगु उगु ज्याभवः मूपाहाँ रक्षामन्त्री प्रधानं त्वा:देवाय् मत च्याका उलेज्या यानादीगु खः ।

नेवा: मिसा दबूया नायः मय्जु रश्मिला प्रजापति या सभानायः सुइ न्ह्याःगु उगु

ज्याभवलय् नायः मय्जु प्रजापति थः मांया नामं नीस्वंगु भिद्वः तकाया 'रत्नदेवी प्रजापति सिरपा' नेवा: मिसा दबूयात हे लःल्हागु दु ।

थुगुसी नीस्वंगु रत्नदेवी प्रजापति सिरपा दय्दसं नेवा: व मिसा अधिकारया ख्यलय् ज्वःमदूगु योगदान विया: वयाच्वंम्ह छम्ह मिसायात लःल्हायेगु ताःतुना नीस्वनागु खँ नेवा: मिसा दबूया केन्द्रीय नायः मय्जु रश्मिला प्रजापति उगु ज्याभवलय् कनादिल ।

थ्व सिरपा: रत्नदेवी प्रजापति साहित्य ट्रष्टया ग्वसालय् दय्दसं लःल्हाना यकेगु खँ नं वय्क मय्जु प्रजापति न्ह्यथना दिल ।

अथेहेतुं सोमवा: जूगु नेवा: मिसा दबूया न्हापांगु बुन्हिया भवलय् दबूपाखें अर्थशास्त्रय् विद्यावारिधि यानादीम्हया नापनापं राष्ट्रिय योजना आयोगया न्हापांम्ह मिसा दुजः जुयादीत ताःलाम्ह डा. पुष्पा श्रेष्ठ व नेपा:या न्हापांम्ह मिसाम्ह 'चा' विशेषज्ञ दिव्यलक्ष्मी बज्राचार्य मय्जुयात नं दोसल्लां न्ययेका: हनापौ लःल्हाना: हंगु खः ।

ज्याभवलय् नेवा: देय् दबूया नायः नरेश ताम्रकार, नेवा: मिसा दबूया सल्लाहकार संस्कृतिविद् प्रा.डा. चुण्डा बज्राचार्य, यें महानगरपालिकाया उपमेयर हरि प्रभा खड्गी श्रेष्ठ विशेष पाहाँकथं भायादीगु खःसा नेवा: मिसा दबूया न्हापांगु निर्वाचनय्

निर्वाचन कमिटीया कजि विर ाजकाजी राजोपाध्याय व दुजःपिं रमिता बज्राचार्य व अन्जना महर्जनपिं पाहाँ कथं भायादीगु खः ।

मिसा दबूया पूर्व क्षेत्र न्वकू विमला प्रधानं लसकुस यानादीगु उगु ज्याभवलय् ग्वसा: खलःया नायः व सभानायः रश्मिला प्रजापति नेवा: मिसा दबूयावारे खँय् जः ह्वःलादिलसा मूपाहाँ रक्षामन्त्री भिमसेन प्रधानं दबूया बुन्हिया लसताय् पिदंगु लुमन्ति पौया चिखिप्यना सार्वजनिक नं यानादीगु खः ।

ज्याभवलय् डान्स कल्चर व आर्ट सेन्टरपाखें थीथी साँस्कृतिक व्वज्या: नं जूगु खःसा मिसा दबूयात थीथी कथं ग्वाहालि यानादीपिन्त सुभाय् पौ व लुमन्ति पतिइ थःथःगु च्वसु वियादीपिन्त लुमन्ति पौ व मिसा दबूपाखें पिकाःगु ने.सं. ११३८ या क्यालेण्डर नं लःल्हागु खः ।



ज्वजलपा: वा:पौ

नेवा: पत्रकारतयगु राष्ट्रिय संगठन नेवा: पत्रकार राष्ट्रिय दबूया न्वकू नृपेन्द्रलाल श्रेष्ठयाया एनजिओप्लास या:गु दु । नेपालभाषाया रंगित लहना वा:पौया प्रकाशक व पत्रकार नृपेन्द्रलाल श्रेष्ठया नुगःचुइ एनजिओप्लास या:गु खः ।

येंया शहिद गंगालाल अस्पतालय् वंगु बुधवा: वय्कःयात भर्ना या:गु खः । बुधवा: हे पत्रकार श्रेष्ठया नुगःचुइ एनजिओप्लास या:गु खःसा विहिवा: सनिलय् वय्कः यात छेंय् छवयाहःगु दु । आ: वय्कःया उसाय बांलाना वःगु दु ।

सक्रिय नापं युवा पत्रकार नृपेन्द्रलाल श्रेष्ठयात भिं उसायया कामनायासं पत्रकार दबूया केन्द्रीय नेतृत्व अस्पतालय् वना नापं छेंय् वना तकं नापलायेगु ज्या या:गु दु । पत्रकार दबूया न्वकू श्रेष्ठयात निवा: तक आराम कायेमालीगु अवस्था दु धका: चिकित्सकतयसं धा:गु दु ।

पुराना छत्तिर्लाई हेयौं पटक पटक, नयाँ छत्तिर्लाई हेयौं यस पटक

नयाँ शक्ति पार्टी नेपाल

काठमाडौं क्षेत्र नं. १० का उम्मेदवारहरु

आँखा चिन्हमा छाप लगाई नयाँ शक्ति पार्टीका उम्मेदवारहरुलाई अत्याधिक बहुमतले विजयी गराऔं ।



समाजसेवी केश रत्न बज्राचार्य
उम्मेदवार प्रदेश सभा 'क'
सदस्य



अधिबक्ता पञ्चलाल महर्जन
उम्मेदवार, क्षेत्र नं. १०
संघिय प्रतिनिधि सभा सदस्य



समाजसेवी होम प्रसाद रिजाल
उम्मेदवार प्रदेश सभा 'ख'
सदस्य



युवा नेता सुरेस शाहि
उम्मेदवार समानुपातिक
सदस्य



आँखा चुनाव चिन्ह
सबैले गर्छन कुरा हामी गर्छौं पुरा



युवा नेतृ आशा कुमारी तामाङ
उम्मेदवार समानुपातिक
सदस्य

अब आँखा खोलौं, आँखा चिन्हमा मतदान गरौं ।

साहित्य उपन्यास “जन्ति न्त्यात”

चमि— मदन गोपाल प्रधान “क्वा:घासा”

श्रीया थ्व धापू अन मुनार्चपिं मध्ये गुलिसिनं ला खःगु हे खँ धयाथें तायेकल । तर ब्रम्हु बाज्या व बुढाबुढित छम्ह निम्हेसिनं श्री धाःगु ताहे मताः पहलं सुक च्वना च्वन । इमिगु मनं श्री छम्ह धाक्व सिक्व माःम्ह यक्वहाम्ह थें तायेकल । रित स्यंकीपिं धयापिं हे मनूत मखा जुइ धयाथें मनय् तल । इमिसं श्रीयात परंपरा बिरोधिया भ्यातनालं कयेकल । यःसिथें धस्वाना च्वंम्ह श्रीयात परंपरा रूपि फय्या लिधंसां क्वःथले मफयाः ब्रम्ह बाज्या जक मखु वया पंलिना च्वपिं फुकं सिमां कुतुंवःपिं माकःत थें अजुगति चायाच्वन ।

“स्व, जि छिमि पुरोहित । जिं धाःगु खँ छं मन्यन धाःसा थुकिया पाप जिं कुबिइगु जुइ मखु । थ्व पाप छं हे कुबिइ माः । ध्याचूया नाप नापं खाच्वलं नं व्दम्बो कयाः थ्वःगु सलं बाज्यां धाल ।

“छु खँ ल्हाना बिज्यायानागु, बाज्याया ? जिं जिमि मांयात मांया थासय् तयां पाप लाइगु जूसा धर्म धयागु छु ? सुना छु धाल अथे हे खः धकाः जुइगु हे धर्म ला ? अथे खःसा मनू धयाम्ह विवेक बिचाः सुन्यम्ह ला ? मखु धया दियागु खःसा, मनूयाके विवेक बिचाः दये हे माः । सद्बिवेक व शुद्ध बिचाः नं हे धर्मया संरचना जुइ । थुपिं नितांयात हाकुतिना नाला तःगु धर्म नांया जक जुइ, बुँ ख्याःचा थें, छुं मस्यूपिन्त ख्यायेत जक ज्यू । अले बुइंचा लायेत धाइगु शिव शिव थें जक जुइ ।”

“का स्व ! धर्म नं बुँख्याःचा जुइला ? छु धयागु खँ थ्व ?” थः नापन्तुं च्वंम्ह पासायात खँ थ्वके थें यानाः नीदौत दुम्ह ल्यासैं धाःगु तायाः “बुढि धकाः हेपे यायेमते । छन्हु छिपिनं बुढि जुइतिनि, सिल्ला नानि ?” धा धां व मिसा वन ।

वैगः स्वान फुसय् थ्यनिवं मनमाया थहां वया च्वंगु खनाः व मिसां धाल, “छन्त हे सःते धकाः वयागु” “छाय्थें मल्लु ?” स्वानं थहां व वं मनमायां धाल ।

थहां क्वहां जुयाच्वपिं मनूतयसं घ्वातुमातु घ्वाक्का भत्तुपंज लिक्कसं दना व मिसां मनमायाया न्हायपनय् खासाखुसुं खँ ल्हात अले “का छं हे छकः धाः ।” धकाः मनमायायात न्त्यः न्त्यः तयाः मल्लुम्ह वल । भुना च्वपिन्त चिइकाः दथुइ दनाः मनमायां धाल, “मज्यू धासैंलि म्वाःल का, श्री । भीगु चलनयात नं बिचाः यायेमाः ।”

“मांया नं छु खँ ल्हानादियागु ? वयागु क्वपुंगु चलन माने यायेगु खःसा थौं तक छिं याना द्यूगु फुक्क अशुद्ध जुयाच्वन । छिं न्हियान्हिथं द्यःपुजा याना द्यूगु नं याये हे मज्यूगु ज्या जुयाच्वन ।” “का, आम ला म्वाःमदुगु खँ का ! द्यःपुज्यायेगु नं मज्यूगु ज्या जुइला ?” भचा भकें जुयाः मनमायां धाल ।

“व हे ला जिं नं धयागु । छिं गथेजुयाः अशुद्ध जुइ ? शुद्ध अशुद्ध धकाः मनूया भाव व बिचाः कथं जक छुयाये फइ । ब्यक्ति कथंला मखुनि । अयजूगुलिं चलन धकाः धायेवं भवांपुयाः नाले माः धयागु मदु । सुथां लाःगु बिचाःनं ध्वाःगु चलन जक नाले बहःजुइ ।”

ननि मवासे श्रीया खँ न्यना च्वंम्ह मनमायां मनय् खँ वायेका च्वन । सकसियां मिखा श्री व मनमायायाके । मां व काय्या खँल्हाबलाया लिच्वः गयागु जुइ धयाथें मनय् खँ ल्हाकाः च्वपिं फुक्कसियां न्हायपं नं तिंस्वाः ।

“मखु बाज्या, थुया जन्मनि बलय् जिं हे ख्यँय् सरंग विया च्वनागु खः । स्वन्ति बलय् म्ह पुजानं जिं हे यायेगु । अथेन्तुं भीगु रित कथंया ज्या खँ दक्वं जिं याना च्वनागु धाःसा थौं जक जिं जिमि काय्यात सिन्हःतिकाः सुवाः विइ मजिइ माःगु ला मदुथें च्वं ।” ब्रम्हू बाज्याया बिचाः कायेभनं मनमायां धाल । “जिं छु धायगु ? छिकपिनि गथे बिचाः खः अथे हे यानादिसँ ।” बाज्यां धाल । “मेगु फुकं जिं याये ज्यू सा थ्व जक मजिइ माःगु नं ला मदु नि, मखुला बाज्या?” धा धां न्हिला ख्वालं न्त्यनेसं च्वंगु पुजाभः भुइ ल्हाः न्त्याकल । मांम्हं तिकुगु सिन्ह कपालय् फयाः श्रीं मनमायायात भागियात । क्वचाल

नये पाः पार्ति



**नाति महर्जन
द्यःचपा, पांगा**

हेरामाई तताया निम्ह काय्पिं

छकलं निम्ह न्त्यो नापं वूपिं

ख्याः निम्हेसिया भचा हे मपाः

अय्सां छम्ह तुइसिं छम्ह हाकुसिं

मचाबले त्वालय् सकसियां यःपिं

निम्हं राम व श्यामथें हिंसी दुपिं

अय्जुया त्वालय्च्वपिनि माया वना

राम व श्याम नां छुनां तःपिं

वसन्तं ह्वासां ह्वासां सिमा चुलि जाय्थें

स्व स्वं मचातनं तःधिक जुल

ज्ञां दुम्ह रामं यक्व आखः च्वन

ज्ञां मदुम्ह श्याम खूँ थें जुल

छम्ह हे मांया कोखूँ वूपिं

घौछि मपाक जन्मजूपिं

छम्ह धाःसा संत ज्ञानी

छम्ह धाःसा डाँका बेइमानी

काय छम्ह ज्ञां मदया मांम्हेसिया मन मच्वन

जातः ज्वना हेरामाई तता जोसी ब्यो वन

जोसीं रामया जातः पोले साथं धाल

थ्व मचा स्त्रीनिता लक्षणलाःम्ह भाग्यमानि

हेरामाई तता खुसि जुल

रामं मां बौया नां तईगु जुल

मुसु मुसु न्हिला श्यामया जातः पोल

थ्व छकः नं स्वया बिज्याहुँ धाल

जोसीं श्यामया जातः पोल

जातः स्वम्ह जोसीया छु धाय् छु धाय् जुल

जोसीं हेरमाई तताया ख्वाः स्वस्वं छ्योहिइका

थ्वला डाँका जुया वनिम्ह का धाल ।

हेरामाई तता सिमां कुतुंवःम्ह थें जुल

ख्वखना सलं जोसीयात धाल

गुरुजु आः छु याःसा थ्व मचा ज्ञां दई

जितः व उपा कना बिज्याहुँ धाल

न्त्यागु याःसां वैगु बानि त्वफिइ मखुत

राजनीति पार्ति छवसा जक जी धाल वईत

पार्ती जूसा वथेंजाःपिं यक्व दई

भाग्य दुसा दँ बदै पाः वई मन्त्रि जुईत

हेरामाई तता लयलय ताल

मन्त्रि जुई धाःबले काय पार्ती छवये हथाय्

चाल

वँ कर कर याना काय् यात

“नये पाः” पार्तीया सदस्य कायका हे त्वतल

दिन धैगु सदांनं जुईमखु उथें

तिमला पापा खिमला पापा धाःथें

श्यामया नं दिन हिला बल

देशय् राजनीति ह्यूपी नापं वयाः भाग्य नं हिल

देसय् प्रजातन्त्र बल

संविधान सभाया चुनाव जुल

वहे मौकाय् “नये पाः” पार्तीया तिक ज्वना

थःगु जिल्लां चुनाव त्याका विल

चुनाव त्याय्वं माननिय संसद जुल

सांसद जूगु दँबदै मदुवं मन्त्रि जुल

मन्त्रि जुइदुबले आः वइत छु मानी

देश हे लुटे याना “नये पाः” बल

जोसी हेरामाई तताया छें बल

तता छंगु भाग्य तसकं बाँला धाल

जातलं डाँका हे जुई धकाः क्योम्ह श्याम

मन्त्रि जूगु खनां जि अजुचाल धाल

जोसीं मन मच्वना पात्र पुइकल

डाँका व मन्त्रिया कुंडलि जाकि कुर्कल

डाँका व मन्त्रि धईपिं उति हे ग्योपिं

निम्ह दाजु किजा थें वं तायकल

न्त्यागु हे जुईमा बांलाःगु हे जुल धाल

मन्त्रिसां डाकासां कमाय याइगु हे जुल

हेरामाई तता छन्त यक्व यक्व सुभाय् दु

डाँका जुई धयाम्ह काय् छंगु भाग्यं मन्त्रि जुल

तपाईको टोलमा भएका घटना कीर्तिपुरको समाचार बनाउने
हो भने तपाई एक कल फोन गर्नुस् हामी तपाईको टोलको
समाचार कीर्तिपुरको समाचार बनाईदिनेछौं

कीर्तिपुर सन्देश साप्ताहिक



कीर्तिपुरको चित्रण

किपुलिं पिदनाच्वंगु कीर्तिपुर सन्देश वाःपौ व ज्वज्वलपाः वाःपौया ग्राहक जुइगु नितिं स्वापू तयादिसँ

कार्यालयः निखासी टोलः कीर्तिपुर नपा-३
फोन नं.: ४३३३००७, ९८४१४०१०७७

**ज्वजलपा वाःपतिइ छिगू चिनाखँ/बाखं/हाइकू विज्ञापन
व मेमेगु च्वसू पिथनेगु जूसा जिमित स्वापू तयादिसँ**

सकलसिगु मंकाः सः



ज्वजलपा वाःपौ

ज्याकूः निखासी त्वाः किपू नपा-३ फोन ल्याः ४३३३००७,
९८०८६२६४२० ई-मेल : kirtipur_sandesh@live.com

नवा १०६.६

नेवा: स: नेवा: एफ. एम. १०६.६

नेवा: एफ. एम. १०६.६

न्यामासिमा, च:ध्वाखा, किपू-२

फोन ४३३४२२२

ईमेल: ankmedia.newafm@gmail.com



newafm.com.np

आ: न्हिच्छि चच्छि विश्वया न्ह्यागु कुनय्
चवना नं न्यनादीफइ ।

नेवा: एफ. एम. न्यनादिसँ

नेवा: जुयाया गौरव यानादिसँ

अय् भंग:!!!



—निलन कुमार शेचमि

आकसें ब्याजुगु...!

कू मण्डलया हाकूगु सुपाच:

च्वापू धि जुया:.....!

धर्तिइ पूं जुया वय्त:.....!

समस्त पशु पन्छी..

अलय् मानव तय्त:...

घनघोर घटाया हथ्या विया:

समस्त प्राणियात विनास याय्त

यन्ता... वन्ताया कूमण्डल त

लिरुथिरु ब्याँय् ब्यायँजुगु खना..

जिगु नुग: थौं सुंक मचन...

अय् भंग:!

निरंकुशताया पञ्ज तछ्याय्त

आन्दोलनया वा: न्ह्याना चुइकेत..

अय् भंग: याकन न्ह्योलं चाय्का: दनावा....

मन्त.... थन मन्त!

शान्ति सुरक्षा न मन्त.....!

मन्त.... थन मन्त.....!

थ:गु स्वतन्त्रता, नैसर्गीक हक, अधिकार न मन्त

सिमाकाचाय् कापिइ स्वयँचवना

स्थिर शान्तिया भविष्य स्वया.....!

निर्धक्कं सास:ल्हा:य्त.....!

च्यां च्याँहाला ब्वलना च्वपिं

ख्वय् मस:निपिं.....! ब्वय्मस:निपिं..... !

छिर्म मचाखाचा तक नं थन

निरंकूश शासनया मिखां

सुरक्षित मजगुलिं.....!

छंगु अस्तित्व थ्व धर्तिइ ल्यंकेत.....!

तानाशाही निरंकूसया पञ्ज तछ्याय्त

छपं छधिजुया.. आन्दोलनया ग्व:फय् वय्त:

अय् भंग:.....!

न्ह्योलं चाय्का: याकन दनावा:.....!

निरंकूस सरकारया पञ्ज: तछ्याय्त:

ख्वय् मस:पिं ब्वय् मस:पिं मचाखाचा तय्त

सुरक्षा विइत:.....! शान्ति हय्त.....!

अय् भंग:.....!

आन्दोलनया वा: न्ह्याकेत:.....!

छपं छधिजुया: ग्व:फय्जुया न्ह्याय्त

अय् भंग:.....!


न्ह्योलं चाय्का: याकन दना:वा:.....!

निरंकुशताया पञ्ज तछ्याय्त..

न्ह्योलं चाय्का: याकन दना:वा:.....!

नेपाली कांग्रेस काठमाडौं क्षेत्र नं. १० का सबै उम्मेदवारलाई मेरो साथ ।

हामी भित्र 'म'



चुनाव चिन्ह : रुख



पुकार महर्जन
उम्मेदवार
प्रदेश क



राजेन्द्र कुमार के सी (राजन)
उम्मेदवार
प्रतिनिधि सभा काठमाडौं १०



धर्मानन्द श्रेष्ठ
उम्मेदवार
प्रदेश ख

नेपाली कांग्रेस को रुख चिन्हमा मतदान गरि अत्याधिक बहुमतका साथ विजयी गराऔ ।